



МЕСЯЦА ИЮНЯ В 22-Й ДЕНЬ

Святáго священномученика Евсéвия,
епíскопа Самосáтскаго

Стихíры, глас 8.

Подóбен: Чтó вы наречём:

Чтó ты именúем, сла́вне? / Святítеля йстинна и
свящénна учítеля, / правосла́вных утвер-
ждéние и церкóвное óко, / светíло, умный
свет возблиста́вшего, / мучеником сла́вна
сúща, / йстины побóрника, велика́го лжи оглаго́ль-
ника. / Моли́ спаст́ся душáм нáшим.

Чтó ты наречём, святítелю? / Реку́, от мýсленна-
го Еде́ма исходя́щую, / напая́ющую зéмлю ороше́-
нии духо́вными; / ча́шу, Божéственныя воды́ полну
сúщу, / А́риевы единомýсленники погружа́ющую; /
столп óгнен, предводя́щий нóвья лóди Божé-
ственною благодáтию. / Моли́ спаст́ся душáм
нáшим.

Чтó ты нареку́, Евсéвие? / Благочéстия подáтеля
и нечéстия губítеля, / страсотéрпцев добрóту и
свящénников ра́дование; / серп, плéвелы посека́-
ющий, / пше́ницу Небéсную собира́ющий; / исто́ч-
ник чудес приснотеку́щий, / недúгов отъёмлющий
зной. / Моли́ спаст́ся душáм нáшим.

Йны стихíры, Пресвяты́я Богородицы,
глас и подóбен тóйже:

Стра́нно та́инство, Чíстая, / безсе́меннаго Тво-
его́ рожде́ства, Дéво, и ужáсно, / превосходя́
вели́чеством вся́ку мысль челове́чу: / Егóже бо не
терпят зрéти многоочítии / и чíни вси святых

Ангел трепещут, / нам плотию родила еси, / не отступльша же Отца Существа. / Славим рождшую Тя, Богоневесто.

Кому уподобилася еси, окаянная, / к покаянию никакоже возничуши, душе, / и огня не ужасешися, злых ждущаго? / Востани, и еди́ну к заступлению скорую призови, и возопий: / Дево Мати, моли Твоего Сына и Бога нашего / избавити мя сетей льстиваго.

Всех заступление, Владычице, / пучиною буруеваемому мне тьмы / и лютых жития треволненными погружаему ми присно / каплю милости Твоей низпосли, / и руку помощи Твоей подаждь ми, / и части сподоби мя избранных и праведных, / яко бездну рождшая, Человеколюбца.

Слава, и ныне, глас и подобен тойже:

Огонь рождши нестерпимый, / поपालяющ грехи и орошающ верныя, / вечная безмерных моих, Пренепорочная Чистая, согрешений / попали молитвами Твоими / и росю истаявшую страстьми душу мою прохладя, / яко да Твою велегласно милость и силу величаю, раб Твой.

Крестобогородичен. Подобен тойже:

Агница Агница яко виде, на древе / простерта волею Крестнем, / вопияше матерски, болезнующи с плачем: / Сыне Мой, что странное сие видение? / Всем живот дай яко Господь, / како умерщвляешися, Долготерпеливе, / земным подай воскресение? / Славлю Твое многое, Боже Мой, низхождение.

Канон, егоже краеграние: Благодестия тезоименита чествую. Творение Иосифово, глас 8.

Песнь 1

Ирмос: Посеченный несекомаго пресече, / и виде солнце землю, юже не виде, / лютаго врага вода потоши, / и непроходимое пройде Израиль, / песнь же воспевашеся: / Господеви поим, славно бо прославися.

Совершенным светом осияемь, и священным ликом, блаженне, сочиняемь, / и мученическим

благосла́вием украша́емь, / véрою прáздную́ция твою́, Евсе́вие блаже́нне, па́мьять сохрани́й, / Христа́ ми́лостива творя́.

Сла́достне желáнием Христо́вым разжигáемь от ю́ности, / плоть покорил еси́, преблаже́нне, души́ священными́ сýлами / и, сосúд священ показáвсья, / лю́ди в преподóбии, преподóбне, упáсл еси́, пома́завсья ми́ром благода́ти.

Тя пасты́реначáльника Дух Святы́й предлага́ет, / ерети́чествующих мглу словесы́ светонóсными твоими́ разоря́юща, мýдре, / и я́ве показýюща стезю́ прáвую в ню́ преподóбно входя́щим, / вели́кий Евсе́вие, свети́ло серде́ц на́ших.

Богорóдичен: Благословéнная, Бóга рóждшая, / благословя́щая Тя ны́не, Пречи́стая, благослови́, / к благím входом руководи́, и испóлни Божéственных благ, и пéти укрепí: / Гóсподеви поём, сла́вно бо просла́висья.

Песнь 3

Ирмо́с: Страх Твой, Гóсподи, / всади́ в сердца́ раб Твои́х / и бóуди нам утвержде́ние, / Тя во й́стине призывáющим.

Был еси́ крóток и незлóбив, смиреномýдр же и тих / и любвé Божéственныя испóлнен, / мýченическими́ при кончине́ украси́лся еси́ венцы́.

Оде́ждами, и́же от крóве, Евсе́вие священне, сия́я, / во святáя востéкл еси́, / свéтло святых́ сла́вою венча́емь.

Обличáя А́риевы единомы́сленники, / гонéния, блаже́нне, подъя́л еси́ и нýждную́ смерть, / тэмже безсмéртныя сла́вы сподóбилсья еси́.

Богорóдичен: Бо́лею Отчею́ Сло́во родила́ еси́, найтием Божéственнаго Дýха, / Пресвятáя Дéво Мáти, архиере́ев сла́во, / тэмже Тя поём.

Седáлен, глас 4.

Подóбен: Скóро предвари́:

Уясни́в жити́е твоё добродéтелей красотáми, / пáстырь нарéклсья еси́, святителъ чéстен, преблаже́нне Евсе́вие, / крóвию же мучéния себе́ украси́в, / горé к Невещéственным преста́вилсья еси́ ликомъ. / С ними́же о нас Христа́, óтче, моли́ помýловати дýши на́ша.

Сла́ва, и ны́не, Богоро́дичен:

Чистая, Всенепоро́чная Неискусому́жная, / Яже е́дина Безле́тнаго Сы́на и Сло́ва Бо́жия в ле́то ро́ждши, / Сего́ со святы́ми и честны́ми патриа́рхи, и му́ченики, и проро́ки, и преподо́бными моли́ / дарова́ти нам очище́ние и ве́лию ми́лость.

Крестобогоро́дичен:

На Кресте́ Тя возвы́шена я́ко узре́ Пречи́стая Ма́ти Твоя́, Сло́ве Бо́жий, / ма́терски рыда́ющи, веща́ше: / что́ но́вое и страна́ное сие́ чу́до, Сы́не Мой? / Ка́ко, Жизньъ всехъ, вкуша́еши сме́рти, / оживи́ти ме́ртвыя хотя́, я́ко Милосе́рд?

Песнь 4

Ирмо́с: Из го́ры приосене́нная, Сло́ве, проро́к, / е́дина Богоро́дица, / хотя́ща воплоти́тися бого-ви́дно усмотри́ / и со стра́хом славосло́вяше си́лу Твою́.

Уста́вил еси́, му́дре, преле́сти гно́ение со́лию твои́х изря́дных уче́ний / и недугу́ющия е́ресию злове́рия, блаже́нне, исцели́л еси́, Евсе́вие.

Напра́вив лю́ди к приста́нищу спасе́ния, / А́риево погрузи́л еси́ неве́рие кро́вным наводне́нием, / па́стырю и му́чениче, святите́лей удо́брение.

Звезда́ светла́ возсия́л еси́ в ми́ре, / сия́нием свяще́нным оза́ряя мы́сли, преблаже́нне, правосла́вных, / те́мже ты ве́рно ублажа́ем.

Богоро́дичен: Усты́, Чи́стая, и язы́ком, и се́рдцем / испове́даю Тя, Зижди́теля Ма́терь, и молю́ Тя: / оза́ри ду́шу мою́, омраче́нную согреше́ньми.

Песнь 5

Ирмо́с: От но́щи неведе́ния, / Боговеде́нием просвети́вый концы́, / просвети́ мя у́тром человеколю́бия Твоего́, Го́споди.

Уче́нии твои́ми, блаже́нне, правосла́вных утвержда́я мудрова́ние, / за благоче́стие заточе́ние претерпе́л еси́.

Правосла́вия столпа́, и исцелений исто́чника ты ве́мы, премудре святите́лю, / и Це́ркве утвержде́ние.

Законоположѣнии Божѣственнымнми беззаконну-
ющія утверждаѣя, Евсѣвие, / от руки беззаконну-
ющих неправедну претерпѣл еси смерть.

Богородичен: Свѣтел свѣщник, Богородительни-
це, / Божѣственную свещу носящи, позналася еси, /
вся озаряющую концы.

Песнь 6

Ирмос: Молѣтву пролию ко Господу / и Тому
возвещу печали моя, / яко зол душа моя
исполнися / и живот мой аду приближися, / и
молюся, яко Иона: / от тли, Бже, возведи мя.

Проповѣдал еси Единосущное Слово и Собезна-
чальнаго Отцу Сына, / мерзкаго Ариева неистов-
ства потребил еси суетное мудрование, Евсѣвие, /
благочестивых неразсѣдное и твердое огражде-
ние.

Кроплением честных твоих кровей порфиру
себе обагрил еси царску / и вместился еси, отче, с
веселием в Божѣственное Царствие, / предстояти
Царю веков, всеблаженне Евсѣвие.

Яко шипок, яко благовонен крин, яко рай
Божий, показался еси, / посреде жизни имея древо,
Самодетеля всех и Господа, Евсѣвие. / Ныне нас
благовония исполняеши Божѣственного Духа.

Богородичен: Разумевше Богоглаголивии про-
рочи таинства Твоего безмерную глубину, / сие
яве провозвестиша, Отроковице, гаданьи и Бо-
жѣственными прореченни: / Слово бо Отчее паче
слова, Чистая, воплотила еси.

Кондак, глас 4.

Подобен: Явился еси днесь:

Благочестно во святительстве пожив / и муче-
ния путь прошед, / идольския угасил еси
жертвы, святителю Евсѣвие, / но яко имеяй дерзно-
вение ко Христу Богу, / моли спастися душам
нашим.

Песнь 7

Ирмос: Отроцы еврейстии в пещи / попраша
пламень дерзновенно / и на росу огонь преложивша,
вопиюще: / благословен еси, Господи Бже, во
веки.

Пёсньми упражняйся, святителю, и мольбами, успил еси страсти / и нам, верным, бодр явился еси хранитель, / благочестно поющим тя и творящим твою память.

Мученик являлся и святитель, Небесная божественно наследовал еси / и престолу предстоиши Зиждителя, вопия: / благословен еси, Господи Боже, во веки.

Утро возсиял еси, проповедавая возсиявшего от Отца прежде денницы, Иисуса Христа, / светильниче церковный, святителей украшение, страдалецев удобрение.

Богородичен: Законы естества, Дево, рождеством Твоим обновляеши преславно / и истлевшия ны злым преступлением очищаеши. / Темже Тя по долгу восхваляем.

Песнь 8

Ирмос: Богоглаголивии отроцы в пещи, / со огнем пламень попирающе, пояху: / благословите, дела Господня, Господа.

Со святители и мученики моли, / яко святитель и мученик, священнопроповедниче Евсевие, Спаса всех / обрести нам милость.

Благим нравом пожив, / словесною палицею священное твое стадо упасл еси / и еретическия звери, всеблаженне, отгнал еси.

Отягченные пьянством прелести, еретичествующия всуе ты обличая, Евсевие, / от тех убиен был еси, страдав твердо.

Богородичен: Яко вышши небесных высот, / вышнее продила еси Слово, / от земли вознесшее падшее существо человеческое, Всепетая.

Песнь 9

Ирмос: Воистинну Богородицу / Тя исповедуем, / спасеннии Тобою, Дево Чистая, / с Безплотными лики Тя величающе.

Видети сподобился еси, отче, дальняя, / священной твоей души надеемая, / и к невечернему сиянию, радуясь, вселился еси.

Красен явился еси богоглаголанием, и благими деянии, Евсевие, / и всечестными страданий, блаженне, светлостью.

Соста́вим лик ра́достен, священна́го восхваля́юще Евсе́вия, / благоче́стия добро́тою укра́шена.

Ра́ка тво́я дае́т благода́ть исцеле́ний, / свята́я же па́мять тво́я, Евсе́вие, просвещает мир, / я́ко вели́кое со́лнце.

Богоро́дичен: Благолю́бивая Де́во, озло́бленную грехми́ ду́шу мою́ ублажи́, / Я́же Преблагáго Бо́га плóтию ро́ждшая.

Священномученик Евсевий, епископ Самосатский, жил в IV веке. Он был епископом в г. Самосаты (ныне Самсат)—главном городе сирийской провинции Коммагены, находившемся под управлением Патриарха Антиохийского. Во времена гонения на христиан со стороны ариан, которое началось после смерти императора Константина Великого (†337; память 21 мая), святой Евсевий был твердым поборником православного исповедания, утвержденного на Первом Вселенском Соборе в 325 году в Никее. Когда в 358 году освободилась первенствующая кафедра Востока—Антиохийская, святитель Евсевий способствовал избранию на нее противника ариан епископа Севастийского Мелетия (Армения) (†381; память 12 февраля), об избрании которого хранил у себя соборную грамоту. Император Констанций II (337—361) пытался отнять эту грамоту, угрожая отсечь святителю правую руку, но святой Евсевий ответил императору, что готов отдать обе руки, но не предаст Православия.

В царствование Юлиана Отступника (361—363) началось гонение язычников на христиан. Святитель Евсевий, переодевшийся в одежды воина, обошел Сирию, Финикию и Палестину, где утверждал христиан в вере, убеждал их не отступать от истинной веры и не приносить жертвы идолам. В пустующие храмы он поставлял клириков, епископами рукополагал только тех, кто отвергал арианскую ересь. После смерти Юли-

ана Отступника святитель Евсевий вернулся в Самосаты.

В царствование императора Валента (364—378), бывшего сторонником арианской ереси, православные епископы вновь подверглись гонению. Святой Евсевий был приговорен к ссылке во Фракию. В отсутствие святителя Евсевия жители Самосат, воспитанные святым в строгом благочестии и преданности православной вере, не приняли ни одного епископа-арианина. Они с радостью встретили святого Евсевия, вернувшегося в Самосаты (из города Истры) после смерти императора Валента.

В 379 году, по совету святителя Евсевия, святитель Мелетий собрал в Антиохии Поместный Собор, на котором 27 епископов подтвердили православное учение Первого Вселенского Собора.

Забывая о церковном благоустроении, святитель Евсевий поставлял православных епископов в города, где ранее епископами были ариане: Акакия—в Вирею, Феодота—в Иераполь, Евсевия—в Халкиду, Исидора—в Кир, Марина—в Долихины. Когда святитель Евсевий был в Долихинах, женщина-арианка бросила в него с крыши глиняный сосуд и рассекла ему голову. От этой раны святитель Евсевий тяжело заболел и вскоре скончался. Перед кончиной он завещал не делать зла женщине, бросившей в него сосуд. Тело священномученика Евсевия было перенесено в Самосаты и с честью погребено христианами.

